

失官物其郡司者不在會赦之限。六年七月丙子先是去寶龜十年立制牧宰之輩奉使入京或無返抄而歸任或稱病而滯京下求○求原作永預考例兼得公廩如之之類莫預釐務國司奪料郡司解任容許之司亦同此例而自其時後希有遵行至是重下知諸國不悛前過猶致後怠即科違勅罪矣

〔類聚三代格八〕太政官符

應諸國雜米立進納限并責未進怠事

右得大宰府廩併檢民部省式云諸國春米運京者伊勢近江丹波播磨紀伊等國二月卅日以前尾張參河美濃若狹越前丹後四月卅日以前但馬因幡美作備前讚岐六月卅日以前並送納訖若有未進者准調庸例割公廩令辨備者又延曆十四年七月廿七日格云寶龜四年閏十一月三日下民部省符併頃者諸國雜米未進數多既闕國用仍檢案內寶龜元年五月十五日下午諸國符併春米掾領已上專當其事史生已上充綱領送春運違限解却見任又奪公廩一依前符者右大臣宣奉勅自今以後若有未進雜米無問多少國司史生已上皆奪公廩沒爲官物主典已上並即貶考專當官者解却見任其郡司主帳已上咸取職田解任貶考亦同國司者今被右大臣宣併奉勅依少奪大事實不穩而斛米疋絹一物未進則偏稱格式悉奪公廩於事思量深乖弘恕自今以後宜國司史生已上各作差法准未進數割其公廩隨色辨備進納京庫但其未進之物徵納以充公廩其省寮計會每年○年原脫一本補勘出自餘事條一依先符者謹案件文專論他國未及西道是緣物不納京庫事不經所司也今府庫所納雜米修理官舍器仗并選士衛卒糧厨司染所五使料等總三千七百八十餘斛或正稅或府儲年料春運色別有數而國郡懈緩未進猥積因斯納官雜物貢進違期府中例用闕乏多時寔依懲革無文格制未施也望請新立程期以責未進但時澆政劇憲法難專准式立限甚以促近今須筑前筑後肥前六月卅日以前豐前肥後八月卅日以前豐後十月卅日以前並爲進納之期若有過期未進之國者貶考解任一從先格又案件格國司既割公廩而辨備郡司更奪職田以沒官試使國司公廩或補未納郡司職田復被納